

榮

性

堂

集

榮性堂集卷十一

吳縣吳俊曇繡

古今體詩

山莊晚直

殿門側左繚垣紆晚日松陰冉冉敷乍可游仙難覓枕偶
因憶事輒亡珠人將白鶴精神健辭與青山體骨腴身坐
清巖無暑地一更鐘漏動蓬壺

和沈舫西舍人直宿西掖用東坡清虛堂詩韻見懷
却報

蘇家兄弟躡玉沙邈英講罷晨散衙飲酒揚州通守宅詩
成字字蘆萄花南朝沈約辭賦手二千年來詩世家舍人

身性堂集卷十一
一
襪被宿西掖有似落日投林鴉才多東以古人韻要將欄
檻圍繁葩京華寄我達灤寒讀之眞著癢處爬近來暑雨
鬱肺腑飢煮山蕨渴野茶樽中酒空榻生蘚閉門終日無
鞭撻想君丐沐詩意滿友朋雖遠何用嗟兩家兄弟謂余弟少甫及觴西令兄瑾甫合共賦麗句看鬪金銀霞

題威遠司馬盛蘋洲秋林返哺圖

我從燕山來君向吳山去相逢黔山陬及此風雪沍示我
返哺圖秋林滿煙霧如聞啞啞聲其聲切以慕我生不如
烏有親弗違顧白髮寄長安比鄰韋與杜祿養旣云薄行
役乃屢賦今茲奉 命來萬里滇黔路回首望京國羽翰
不可度君才如虹霓早抗騏驥步旌麾照洱海露冕覓詩

句身名兩崢嶸其心則猶孺翻然辭檄歸園彼寒鴉哺裝
輕無惹苒好夢在寐寤邂逅金筑城欵欵話情素感我游
子懷泣涕紛如雨君歸及春陽我去逼歲暮相隔一萬里
匹馬乃孤鶩執手立躊躇久別戀小晤作詩以寫懷寒鴉
噪昏樹

題譚蒼亭中丞作書圖

門外高牙影拂雲床前秃管委紛紛平生氣欲無新浦三
十幅成張一軍

肥膩筆嫌諸葛重堅勻紙愛麥光宜人間若遇邢和璞定
道前身智永師

壁窠舉贈抵兼金索鐵縈絲勢十尋從此客來減寒具堅

余一片護持心

据床揜袖墨花青神到秋毫腕自靈便是匆匆作奏記正如初本寫蘭亭

蒼亭中丞招飲聽家伶新曲并示所製古近體詩翌

日賦謝

鼻觀文字香如飲曹溪水一滴十八灘灘空清見底世人
艷江瑤俎豆家家祀十九發風氣斯言聞蘇氏魏裴大中
丞事業仁壽比和風舞舜童威聲備曠子餘事爲歌詩山
川助燕喜我腹如菜園宵夢羊蹄美朝來赴嘉招絃匏奮
官徵不謂我無文新篇陳滿几驟讀若薑橙辛芬着牙齒
繼若噉甘蔗節節涼沁髓經營造恬愉纂組出麻桌宗派

一洗空慧性，湊禪理。廬山雲霧多，從今辨真似。千載黃涪翁，同工而異軌。藥我劣詩魔，芻蕘治宿痞。服膺再三歎，欲和輒復止。覓句晝閉門，差類陳無已。

題蒼亭中丞我周旋圖

滇去京師一萬里，仰看井鬼僅尺咫。中丞何道化斯民，醜釀元機在絃指。鼓琴之指不繫琴，世上寥寥知此心。此心匪是慕鐘鼎，乃在田間晴與陰。關情月令兼幽雅，天報豐穰麥蓋野。宜雨而雨宜暘，嗚祀罷碧雞。祀金馬太羨，至和權至平。和平之至政，以成檻前兵。衛畫戟植屋裏，琴聲大蟹行。琴聲可想不可學，琅然清圓宮與角。宮音中央角，東方彈出有年民。氣樂解人強，索亦徒然目。送飛鴻自理絃。

畫師何人忒慧黠寫成我我相周旋他年旄節朝天子
侑以笙簧酌酒醴不陳職貢奏民依合殿薰風帝有喜

題陸硯耕閉關誦經圖

家住東湖東復東鴨欄魚汙雨濛濛閉門終日陳無已晤
對忘言烏有公木上座將眠食共竹夫人與起居同兒孫
滿眼森頭角旁舍哦詩答乃翁

魚經讀罷讀茶經桑苧叢殘削未停人道先生在甫里世
傳內景是黃庭忍飢不用鐘魚答益壽無過杞菊靈應有
襄陽皮襲美扁舟風雪訪林扃

和奇麗川方伯題孫寶巖中丞雙是圖小照絕句

一條赤棒惠文冠畫鼓千槌白雨圓那識牟尼百億化世

問徒作貴人看

須知鴻去爪存沙
今夜風飄昨夜花
難忘軟紅韋杜曲
有人同載短轅車

池蓮湧現是曼陀
彈指分明歷劫河
獨秀峰前一輪月
故應炯炯照維摩

佛心綺念兩難降
脂盞香篝掩繡幢
大抵英雄盡情種
是耶非處影雙雙

支硎山

鴈橋西望鬱巒岫
一簇精藍磴百盤
杖化去餘潭霧冷

支遁鐵杖不
知何時失去
鶴歸來處嶺雲寒
山有放
鶴亭
水香野薺僧房熟

沙暖蘆輿客夢安
千載支公成古堦
斷碑欲讀字迷漫

寒山

捫蘿一徑轉蒼涼鐘磬比鄰正夕陽曠望林泉一飛鳥橫

斜驛路萬箇當

馳煙驛

山因骨瘦寒逾好人趁春酣健欲狂

便爲臨風賦招隱憐渠辛苦著書忙

趙凡夫著有說文長箋一書崑山顧寧人

極嘗其失

法螺

山作螺旋佛頂尊寺藏螺殼那知門不嫌礙路野梅放却

喜迎人早蝶翻滿屋春泉破牆壁萬竿脩竹養繡髮不知

名字僧頭白轉眼而今塏已存

十五年前有吳僧住持於此不知其名字也屢淪茗

供子今死已五年矣

華山

寒山山背法螺西百步潺湲千仞梯笠澤帆檣當檻去道
場松檜與雲齊人行落日疑逢虎山有蹊路轉前岡始聽
雞回首亭亭蓮一朵凌空何處著沙泥

天平山

羣峰林立阻門闕百頃風漪照眼明碧蘚祠堂松鼠嘯午
茶僧院竹雞鳴泉多伏脈波瀾靜石解參天氣象平落日
龍吟白雲合上中下寺盡鐘聲

陳研齋觀察所居之齋余書養雲夢瀼二額奉贈觀
察賦詩見貽依韻却報

烏鵲人聲浩闐闐岸間不住住船間觀察居船坊巷眼如灘水清

見底心似嶺雲忙更閒魚泝鴨欄呈畫本青莎卷石寫屏

顏瀼東西與江南北處處思君早去還

題晴楓戴文情飄書屋圖

游山謝靈運作賦庚蘭成樽酒十年別溪堂無限情兼金
五言重遠燕片帆輕聞道鷗波宅春來春水盈

庭中牡丹盛開邀陳研齋觀察及諸君小飲俱賦詩
誌賞且有一再疊韻者余不能作也乃爲古詩一

篇聊述種花之勤看花之不易以自嘲

東風吹園葩月露夜浩浩晨起理亂髮潑眼並媚巧勁松
抽青釵嫩穉舞翠葆出屋辛夷高照牖海棠姣借問主人
誰主人醜且老老醜不自憐花下日醉飽京華十五年驚
馬戀棧阜看盡御陌花歸來劇草草誅鋤蒿與萊綢繆

梁與稻一家五十口各各執灑掃能會主人意視花如穢
祿根枝剔蟻蝨晴雨驗濕燥雜坐苔蘚溫小飲星斗皓誰
謂吳趨城不如長安道獨有紅牡丹開遲恐謝早一日三
酌酒憑檻心默禱誰知鶴頂丹點破仙袂縞醒借朝霞酣
潔映初日杲一畦種九本九本百蘂好舉室賀主人富貴
且壽考聞言聊自喜日日酒飲卯

陳研齋觀察於城西射瀆擇地築塋將葬其先贈公
封妣邀子往觀

京口至錢唐川路七百里具區吐納之三江與輸委吳閩
扼其中入門滸墅始陽山絢煙霏虎阜鬱紺紫射瀆直復
紆兩水分渺瀰於焉卜佳城將以葬考妣帆檣爲旌竿林

塘作門阨濃杉蔚於藍廣原平似砥經營堂與坊帖妥牀
與几緣知孝子心慎重防水蟻蝨彼世人惑求福於親體
渴葬數十年走遍山與水山川不能語地師逞誕詭喝地
俾成形蛇虎牛羊似所言卽果然造物直戲矣以此術其
術幻妄安所底而君獨毅然旬日相度已自言禍福來乃
是神所使居官如履冰莅民猶視子但求心所安敢云天
佑爾卽此數弓地形高壤更美多栽冬青樹行若宮闈
速葬昉古經停喪懲往史娓娓爲余言其言敦且旨舉以
風世人厥功偉喪禮

陸葵園孝廉邀遊橫塘去楞伽纔數里耳諸客莫肯
往遊獨余與鄴孝廉小山坐小舟徑往至半嶺雨

作而返

游絲無力柳絲柔
夾岸人家住畫樓
樓上簫聲吹不斷
橫塘橫處好維舟

船重橋高笑語
匝橫山山翠
撲人來諸公盡
日橫塘曲
羸得篷牕八扇開

三十年前髡兩鬢
父兄持我去登高
一更月出湖如練
抵看錢唐八月濤

孝廉賈勇我能從
自覺身輕氣倍雄
兩面湖山盡依舊
獨余老醜換兒童

山從震澤腹中過
湖抱楞伽靜不波
山後山前賽神鼓
湖心湖尾摸魚歌

雲生雙屐雨鳴松了了歸蹤是去蹤一路不知巾角墊人
間癡絕兩林宗

蒼濤小塢看牡丹諸公疊闌字韻至於再四余旣謝
不能矣陳研齋觀察裝長卷將彙書之屬余必作
乃復爲之

壓肩花擔闌春闌詩思傷簫社鼓間天與吾曹添富貴人
將風燕共忙閒錦帷繡障生來福淺絳深紅醉後顏好笑
禪林老白足酒醒白裹水田還

是日虎邱
卓師先去

虎邱卓和尚邀游支硎中峰法螺白雲諸寺迤邐上
靈巖望太湖歸飲於湖舫二更始入城

我初來游被襖天柳條未綠桃始妍風光冉冉五十日復

騎瘦馬搖絲鞭山僧見客訝重到爭擷溪茗烹風泉經堂
佛閣徑路熟造其尤勝餘舍旃午時清磬一聲發簷間驚
起白鶴眠獅蹲虎伏形勢足布置落落纔如拳吳閭城郭
致窈窕環以萬頃黃雲田足疲路邈不知止靈巖紺塔聳
我前長松夾道巨竹挺芝茵怒山飛瀑濺琴臺落日一俯
仰脚底三萬有六千洞庭東西淡眉掃天水一色青銅錢
吳王宮苑松鼠嘯東風響屨幽廊偏落花不言晝寂寂古
井自溢流涓涓游人競掬洗昏眼仰見佛火青無煙須臾
鐘鼓奮鳴聒游人漸稀山蒼然寺僧示我下山路別有間
道羊腸懸坡陀高低互虧蔽林中得得烏帽穿回瞻寶塔
兀相送鈴語十里聞清圓便從犖确造平曠遙見翠柳維

紅舷市人拍手野人笑聚看白馬馱僧顛道林死去二千
載馬上非佛豈其儼是日和尙騎白馬歸舩洗盞與斟酌醉語相
戒勿墮禪松風澗響尙在耳城上鼓已搥蕭蕭斯游洵美
不可再恐有人作圖畫傳

郭苑雅學正自海外歸倩張東畚明府畫雲山煙樹

圖小長卷索賦

國子先生麗穎裝前年渡海摘桃榔四州孤島雲如墨一
髮中原稊在倉僮僕苞苴富崖蜜主人詩句鬪霜薑閒房
春草渾無事暗數雲山入渺茫

曾貌我肩雪後顏歸來頗怪畫師閒愛吟坡老海南集爲
寫顛翁京口山千里樓臺半明滅清秋行旅極間關越君

墨筆飽酣處圖我滇風黔雨間子從南詔歸欲倩東
會爲圖而未暇也

題蔣覺石晚香小影

佛桑紅發鼓轟衙

久官東粵

行部瀟湘帝子家

後官南楚

山色秋光

本來淡詩情歸意孰能遮
鄭人覆鹿有無耳臧子亡羊非
是耶君體有香香獨晚一杯桑落手澆花

菊花時節飲諸郎底事先生爲菊忙
寶劔百金堪換酒敵
廬三畝早經霜江南七箸鱸堆玉
秋晚盤飧蟹擘黃試向
覺時問何夢夢攜竹杖訪柴桑

和匏雅學正見貽二首

周北張南各草堂

余所居與匏雅止隔一巷

西風門巷送新涼
眼中舊

雨如殘月堦下秋花鬪晚粧
憐我塵勞成夢寐與君初識

共兒郎好詩七字清如許賺得賡吟蟋蟀忙

小雨輕颺隱薄雷閑居難得賦秋才背臨玉版二百字酷

愛吳菱三十枚

近得唐臨玉版十三行及君謨吳菱帖終日臨摹覺頗有所得絡石藤蘿

工寫篆出簷松檜已成材明年相約燕山去樽酒同登郭

隗臺

題袁節母竹栢樓居圖

嵐凝西嶺波委東塘人家水上門第道旁袁氏之樓謝雕
崇素皓魄栖欄清颺拂戶伊誰居處孺人韓氏穆衣萑簪
練袞竹筍貞柏勁理苦竹蒼筠望瀛起敬睹木思人其人
旣死雖死宛存依稀圖畫無笑有言當年寡鵠單棲小樓
竹爲奴婢柏是侶儔子識之無長成頭角宵伴母績晝從

師學泊乎有室宗祧是憑洗卮獻壽製錦萃朋孺人樓上
與竹柏語謂竹節堅謂柏心苦茹苦鍊堅竹柏之志志遂
身安死生無二大好西方去來了了蕭灑形骸從容綦縞
從來節義挽犢丸熊誰能筮室永矢有終柏綴嚴霜竹零
秋雨孺人之樓仙人之宇畫像非古思親是孝千載臯魚
傷心同調

題王蓬心司馬探春送別二圖合幀

探春賸綺語送別總陳言要看無墨處中有老髯存
老髯今作守無事湘中行聞道瘦於鶴不飛更不鳴

題畫藤花

弱柯柔蔓密蔭交垂愔愔簾几漠漠軒墀莊嚴七寶瓔珞

紛披好風吹墮拂我酒卮

爲蔣薌洲明府題張東畬明府畫五松挺秀圖

一身抽出簿書叢素壁長松盡化龍經案藥爐蒼鼠覩月
廊風榭翠濤春天都體貌田盤格老鹿町畦野鶴蹤墨法
人間無著處峨眉積雪最高峰

邱壑胸中富益州嘉陵落木夜猿秋忽圖兀冢大夫五便
作逍遙松子遊急雨笙鏞酣耳際好晴芝菌發庭陬茯苓
爲餌黃精飯笑看兒孫立竹稠

題歸村郭丈遺照

癡雲離壑春風鼓蘘變化滅沒長辭故鄉倦馬念阜征鳥
戀林飛走千里思歸寸心人有安宅去而之佗浮游逆旅

惆悵無家吾鄉郭公有道之胄吳會樓遲人倫領袖蹈仁
而游擇義而處壯籥關門曖曖室宇室宇伊何不礎不楹
靈臺爲雷幽闕爲閔曰歸曰歸我有我村弗耕而斂弗枳
而樊琴歌自寫闐無朋賓炊煙孤起寂無四鄰好笑世人
夜游秉燭倦而思歸精亡晷促歸村之中無鳴與吠抱樸
守真何罍何礙鞵鞋桐帽奇骨蒼顏分明紙上精彩人間
相彼貴游冠蓋徵逐盍不來歸心田架屋

送盛五別駕之南雄

叱馭樓前木葉蒼白沙青嶂倚斜陽亭皋獨立渾無事暗
數飛鴻入渺茫

題盛竹軒刺史小姬摘榴圖

獻王宮畔彈琴聲劉李河上驂篠迎平生卓行在瀛涿歸
來鶴骨癯而清青山短簿對城郭山塘七里春風弱茶檣
酒幔綠楊低橫笛短簫明月約主人自架水邊樓樓角啼
殘黃粟留維摩丈室邀天女解語名花照白頭髻絲禪榻
睡初足安榴石榴駢簇簇明年此日洗兒時兒面榴花映
紅玉

安南國王率其陪臣游飛來寺段阮俊賦古詩一首

亦依韻爲之

庚戌五月十九日

百里入清遠兩山屹崔嵬江淨不可唾竹脩那受埃木末
一聲磬寺鶴紛歸來簷楹恍欲動脚底鳴殷雷飛來恐飛
去煙霧爲扇開何人呪江水赴海不復迴造物巧位置雲

根插川隈漁樵識
初祖劉趙漫劫灰
扶輿孕靈秀
光景留徘徊
借問日南客
何如訪蓬萊

復用該國兵部尙書武

輝璠韻

娟娟叢篠可憐暉
漠漠溪光翠作圍
終古寺門風闔闢
一壇松影雨翻飛
故應神物雕劖出
始歎人間結構非
吾是此邦風紀使
他年百甕載泉歸

鬱孤臺

臺自名孤勢不孤
連山鬱鬱向城趨
夢酣橫浦淹宵雨
眼豁虔州入境圖
灌木浮屠互虧蔽
渚煙沙鳥兩模糊
多情章貢交流水
有態無風似靜姝

萬安遇戴蓮士翰撰

惶恐灘頭忽見君風帆沙鳥去紛紛相看同是二毛叟一

別渾如萬里雲窮老濕薪成識語窮老荷濕薪勞多得不

也未幾而蓮士叠遭家庭變故且官職連滯家累益甚負荷益艱吾詩竟成識矣藥爐經卷証聲

聞上年一病惟應一口西江水洗却從前風月文

無錢何處買青山衣上皋魚涕淚斑磨蝸命官憂患裏盤

蝸居宅水雲間徒贏四海姓名熟無補全家衣食艱金殿

玉堂相待久勸君早入紫宸班

九日登詠風閣和譚筠亭秀才韻

嶺外茱萸照面紅二毛蕭颯已成翁閣憑城起臨諸島菊

避霜開爛一叢嶺南無霜堆案簿書排日遣有情賓從賦詩工

大瀛莽莽終埃壚矯首天門詆蕩風

滿城簫鼓六榕鐘斜日樓臺面面容海國霧腥收水母林
亭秋暖鬧莎蛩十洲晚稻逢三稔予以前年九月莅官一髮青山是
萬重與話故園好風景碧帘紅樹綠醅濃

以增城掛綠荔支送鄭楓人觀察越日作詩見貽依

韻却答

夙昔灤京役承

恩一顆嘗

甲辰扈漢軍機章京

蹕熱河蒙

賜滿

平生叨

異數齒頰賸餘香跋涉閩還粵蹉跎燠換涼重

逢荔支熟撥遣簿書忙

艷說增城綠憑君仔細評何期拋百顆卽已換長城翰墨
君謨續詩篇玉局盈黃梅風復雨莫便問歸程

再答楓人疊韻之作

詩喻江瑤柱吾貪一再嘗枕楞訶子雨鼻觀水沈香不必
防風氣祇應益夏涼嶺南多苦竹偏是鷓鴣忙

交廣春秋古叢殘早定評詩人下三峽題句滿羊城療疾
刀圭秘聽潮月露盈裝成行看子山色潑江程

盆蘭購自江西贛州培之三年矣忽有一花九出者
欣然賦之

黃磁清水養都梁選地何曾定弗良爲笑主人貧且拙盡
情開放不辭狂

暑風吹雨刺桐殘紅力及明山大丹怪伊一朵葳蕤出賺
得賓僚雜選看

人言奇瑞兆奇葩試問天公理故賒入室同心盡君子能

令談笑釀休嘉

階前碧委菖蒲節架上籤排洪範疇自嘆行年四十九對
花擎酒但增羞

桂林喜晤劉金門學使輒作長句奉贈

使君清竦玉堂身花下相逢八桂春世味淺深嘗苦酒劇
談顛倒怨陳人層雲覆席濃堆墨細草緣階軟貼茵器業
文章似君少峰青獨秀削嶙峋

病瘋磨墨手猶存交廣春秋費討論憐我蹉跎羈瘴海觀
君光采擁朱幡江分左右源同徹嶺障西南品自尊相對
支頤還望遠夕陽低處是夔門

憶少甫
蜀中

佛手柑

兜羅熨貼手垂垂竹几蒲團清供宜指屈伸來刹那頤掌
開合處去來時拈花諦視笑何莞無鼻能聞香自知龕火
青熒黃面瘦相將擎握呪軍持

喜雨次朱石君中丞韻

三日南風尾

粵諺云北風頭南風尾

沉沉海氣卑慈悲菩薩雨歌舞

野人犁紀瑞宜登麥虔祈果厚施羣呼娶龍女

下白雨娶龍女亦粵

也 諺童稚逮期頤

著地初疑霰沾花便足滋歲維占分埜澤不歉毫釐戶挾
仁人曠庭霏紅女絲欲摹周浹象搖筆拙于詞

賦得元龍百尺樓

得樓字

客有湖海氣端居百尺樓星辰懸棟角風雨繞床陬位置

高如此憑依曠若秋由來開濟略不作舍田謀俯仰關千
古縱橫隘九州夢堪凌碧落腹已貯滄洲不是眞名士何
因臥上頭盱衡成雋語軼事下邳留

石君中丞有賞花之什依韻奉呈二首

春生杖屨健而和活潑花光供養多牙鼓不譁心湛湛園
禽解語樹娑娑駢蘼疊萼呈璣貝殊色同妍謝綺羅治象
道機交醞釀枯來信手笑容嗟

政從駿肅得祥和判事端如掃葉多花備四時紛爛漫客
來三徑醉婆娑詰奸力靖萑苻澤拔士頻張幕府羅鐵石
心腸仙面目晏陀一霎散嗟嗟

予年未六旬而齒落其九存者亦杌隉不安家人寄

來擦牙散謂當用之無間恐本實先撥外治亦無益也

齒爲腎骨舌心苗此以剛亡彼軼牢痛嚼詰盤摧詰屈猛燒鉛汞迫煎熬稜稜自厭劍鋒利兀兀頻憂牆堵撓縱使刀圭試無效吾生豈是孔光曹

龍王廟謝雨

曉來濕霧罩琳宮舒卷神功肸蠁中千里稻均三尺漑九秋穫兆十分豐祇林唄動飯慈姆廟在觀音山麓火宅益傾屏祝融多少邦人來謝雨練香爭拜越臺東

東謝西都督

密揚阿

贈七言古詩

鐵甲三千照虎門

初爲左翼鎮

鼉鳴龍穴暮潮翻自從飛旆移

瓊島

謝雷瓊嶼

海色天容併一尊

堂堂名字衍

天潢帶綬裘輕叔子裝能戮鯨鯢清碧海

底須擐甲抗顏行

一郡煙霞五指山
枕榔椰子競爛斑
平生馬稍縱橫術半

在投壺六博間

貽我精羹十二枚
林巒烟客畫圖開

寄余舊審器十二件
王烟客山水一卷

青霜紫電將軍庫
七字真驅介馬來

轆轤歌

梧桐井華夜深汲
美人曉起當窗立
背面風吹夜合香
鏡裏菱花露痕衰
井深綆短良獨難
心如轆轤淚不乾
看郎一似紅彈丸
翡翠衾幃曉氣陰
芙蓉簾幙曙光侵
願郎爲

綆儂爲井綆盡方知井淺深

紫騮馬

健兒控紫騮飛電爍金眸風雪忽到此烽煙殊未休目空
天駟廐氣懾富平侯旦夕陰山戰將軍有智謀

邊庭怨

莫以今時淚徒沾舊日衣淚多衣盡赤針線覓依稀八月
塞垣苦涼風沙草腓不須射迴鴈曾到故鄉飛

榮性堂集卷十二

吳縣吳俊曇繡

古今體詩

和戴蓮士學使贈行四律卽以畱別

寸筵何以發鐘聲
仙籍難登措大名
君似岐公遲未相
我方朔老無成
三年促膝青釭共
一昔搔頭白髮生
大抵世緣皆夢幻
隨身只有篆烟清

疑疑當時頭角光
慣能握筆賦長楊
三商不寐詩成識

此

十年前贈
蓮士詩也

片紙爭求字裏香
有骨學仙難買訣
無錢畱客

每停觴綠蕉丹荔
年年好常照先生
苜蓿堂

衆有胸羅有若無
寶山空手枉犀珠
性情半借文章顯
意

氣生憎月露，羸卅載通家似姻婭。當年行役必偕俱，如何
亭午潮雞報贈我珠江送別圖。

自歎前身少夙根，安排鉛火試關門。卽今慧業鍾吾子，早
已生天有令昆。謂石士兄努力勉修當局職，閱時恐負九重

恩。觚稜高處棲能穩，我去先爲可至尊。

蓮士賦四律送行朱石翁中丞和以賜贈謹依韻奉

呈

曾從天上聽珂聲，歷歷真靈炳姓名。飲墨分應一斗饜，裁
麻才苦片時成。南來瘴海黃茅熱，此去梅關碧草生。憑仗
大賢爲疇庇，不妨心跡自孤清。

嶽生申甫 國之光早貴，何須艷二楊。楊億學到聖賢心

自廣詩傳婦孺口俱香名犀玉塵便蕃
錫修竹清湍次
第觴後有賓徒前鼓角皖江珠海兩堂堂

判事真如一事無靈臺徑寸有明珠現身仙佛宏開濟治
具兵刑詰獷羸容物濁清涇渭別愛才溫烈桂苓俱名園
卽是名臣墅一幅清華水木圖

自憐小草本無根幸得青青傍戟門聽鼓越岡空憶弟聞
鵲蜀道定思昆流光胛熟尸臣臈積媿竿吹負
主恩今
日整辭牙纛去沙堤佇拜相公尊

離廣州舟中雜詩寄諸郡守

簿書叢裏困曹騰縱不人憎也自憎敢說白堅耐磨涅難
修陰隲要哀矜虛隨幕府籌邊拙大有樓船截浪能撒手

寶山容易去追思職業轉兢兢

樽酒江頭意可憐諸公珍重著仔肩人才大抵剛柔克民

命須知呼吸懸遮道黑衣猶戀我百年黃耆豈徒然

粵民多壽

百歲者所在皆有此 國家太平休養之徵也 粵中月令原殊別爲政尤宜戒鏹

船

今年春雨十分酣只是陰寒怕損蠶憑仗和平調淑氣便
看蓬勃擁晴嵐列營防海寧無策按籍籌饒諒所諳暫得
抽身卽踈快東風著力健帆貪

榜師伐鼓正斜陽郵吏將迎夜未央頃刻欲呼盪舟舁稽

遲差比岸居張行至沙口潮落舟膠寸絲挂著焉能脫一

剎那間便可杭記取木棉頭畔路夜沙曾滯使君航

二出風雨合離間縹緲靈旗不可攀江怒故應教峽束雲
多特地付松關禽言聒枕奏成溜猿果落船香滿山七十
二峯寫娟妙競將嵐翠撲毛斑

入峽

我飲廣州水鹹淡了不分山泉通海氣日夕交氤氳是以
六年來不醉亦自醺揚帆入三峽草木貢馥芬汲水試酌
之洗去臘與葷中宿不可宿清猿時一聞想像二帝子乘
風弄江雲

七十二高峯峯峯兀相對光景互蔽虧風雨乍進退江流
如青瑤觸石忽破碎鼈背與龍頭來往篙師醉不如溪人
閒橫槎自施碓

南岳掛北禺湟水合滇水森森勢難遮中宿束其尾峽山
自飛來清磬松杉裹寺門逐江開飛泉灑佛趾昨在王子
歲秋霖沒岸阻山中走毒龍雷電草木靡經堂與齋閣半
爲水所毀斷槎塞橫斜亂石交觸抵如何調御天而有魚
鼈恥是用亟布金成此大歡喜今晨挂帆來紺殿已盪起
緇衣十數輩候我江之涘入門聲登登版築猶未已急焚
篤耨香薰手禮大士

觀音巖

峭壁立千仞神斧鑿其腹了了見臟腑膚裂肉花蹙春江
欲倒吞日夜吞不足猿鳥徑路絕魚龍風氣毒因尸以爲
梯度龕以爲屋三兩白足僧上下如麋鹿不知有星辰但

看佛前燭清磬一聲圓
幡幢濕於沐萬古自在容低眉不
開目憫彼弄潮兒逆風牽萬斛

望夫岡

望夫岡畔路終日石尤風處處子規叫村村
踟躕紅水如郎意遠山似妾頭蓬欲禮觀音去灘高細雨濛

離觀音巖二十里

彈子磯

朝看彈子磯暮看彈子磯朝朝復暮暮鷓子不敢飛

彈子高木客號彈子低竹雞啼彈高彈低無人渡溪渡溪
浪頭惡郎去何時歸

江寬灘高磯助洶黃巢射之貫當中蚺蝮吐涎三日風雨
腳不住愁舵工

濛濛之南村人劬筍迎舟而賣煑食之不異江浙所

產欣然作詩

腹大於瑚實可嗤瘦憐曇面亦何爲心恬不受黃茅瘴食
飽新黎玉版師出土緝嬰膚似雪佐庖石耳貌如芝村民
知我需斯味劬賣剛逢泊岸時

峽山寺僧餉石耳味可配筍

行過濛濛黃都督

大謀

遣其舟師來迓作詩謝之

三千鐵甲照滇滄治不終朝兵氣光早有英聲蜚宿衛由
來家世起江郎戈排韶石鋒鏃厲壁枕雄關部勒強聞道
五溪蠻蠢動軍郵旁午在湖湘

黑衣搖櫓截江迎多謝將軍遲我情千里頻煩尺書訊六
年同誓此江清橐鞬都雅真名士文酒縱橫似步兵偏是

東風浪頭惡三朝三暮滯船旌

韶州包觀察留飲賦詩爲謝

拄笏看山擁上游巖闕鎖鑰截江流彈琴自寫玲瓏峽懷
古頻登風度樓一昔玉堂天上夢四年鐵面嶺西謳餞余
細雨尖風裏此去三楓颯似秋

始興道中寄少甫

解纜辭韶石輕舸過暗沙山如武夷曲水似弋陽斜虎跡
三楓路魚風五渡槎今年春雨足處處採溪茶
清山紅躑躅賺我倚篷看花是嶺南好江從漲後寬北風
旌婀娜春草夢平安何似瞿塘峽清猿苦竹端

東南雄鮑太守薇軒

樓憑叱馭壓江喧
山作雲奔到郡門
誰信清貧賢太守
竹中燒筍課兒孫

一賦蕪城感槩多
廳前雙鶴舞娑娑
我來聞得茅檐語
有虎全憑政不苛

贛州贈王都督

集三絕句

羣山絡繹擁蒼濤
合建將軍五丈旄
當日文成開府地
至今風俗尙同袍

贛於文字爲章貢
到此多情抱郭流
羨煞風流老都督
新詩題遍古虔州

背江面嶺地何雄
文酒何妨馬稍工
試上鬱孤臺
騁望崆峒
春月似琯弓

吳城阻風

一虛兩面夾雙流
北去蒼茫彭蠡收
落日千櫓齊艤定
吳船吹笛楚船謳

北風獵獵撼旌竿
篷底篝燈尚擁寒
瀨水送吾頭至尾
入湖轉比出灘難

昨朝解纜灌嬰城
百里青山管送迎
更有亭亭峯五老
雲中舉手忒多情

雨後人家水半扉
桃花漲滿欲吞磯
一更匹練橫千丈
卧看冰輪貼鏡飛

望廬山不得登同
兒子慈鶴作用東坡先生過廬山

下作韻

鄱陽控五州二州在其南南昌廣信廬阜足雲物羣山助驂驪

面目不可見但見曉暮嵐彩翠忽破碎約畧礪與龍五老

落咳唾咫尺如可談卽之轉復杳蛇虎風昏酣青山徧榛

莽一步一誅戮是日風回泊舟青山頭汶五老峯爲青山所蔽山特培塿耳而能障人目如此與慈

鶴披倏伐茅而涉其巔彷彿望見五老鬚眉而雲氣蒼鬱欲襲衣袂徒御扶我上寂寥見茆

菴凌空測鳥道殷雷疑龍潭蓮社今已矣白石吾抱慙

大孤山

五老回頭瞰大孤濕螺一點翠模糊因何不逐風波去下

有千尋鐵綆纜

北風催客上南康南風吹船下馬當多情偏爾勞迎送暮

暮朝朝塔放光

仙人遺下一隻鳥終古不沈亦不浮昂頭偃尻好形製我

欲著之遊十洲

又名韓山以其形似韓也

湖口訪周駕堂翰林知其已赴蜀

大孤借我半日風直送西江出湖口湖口人家倚翠巖巖
下石砭魚在罾未至如聞鏜鏘聲落帆慙慙鐘可扣翰林
筆陣極雄橫自是生來斬蛟手眼中欲無黃涪翁命意不
居老龐後當時與我充同考拔士什伍超牝牡十年短夢
蕉鹿幻門庭清洒植五柳紅蓮香稻付妻孥獨自西向巴
蜀走山城夜靜無吠厖敲門舉室詫誰某歸船悵然不能
寐明月耿耿掛南斗

小孤山

小孤比金焦邾之於魯耳舉以配大孤江湖合雙美斗大
彭澤城關鎖全賴此遠欲堆髻鬟近可寘案几江流嚙其
根刻露如列齒烟雨助娟妙雲霞蔚秀起倘云嫁彭郎塞
修馬當是

馬當山

我從南昌來淹遲六晝夜何以子安去一夕飽帆卸沿涉
判順逆江湖難越跨神力或有之好事恐假借坐令一賦
成乃爲世膾炙今我拙文辭與君會面乍將去揖皖公江
如建瓴瀉倘借五兩風寧惜萬錢價

胡雲坡大司寇以紀 恩詩囑和謹依韻奉呈

維嶽崧高生甫申飭躬典禮 兩朝人立言不朽書畱種

其舊惟求 帝錫綸冬日在人憶衰愛祥刑率又是黷仁
只因忠孝相關動眷眷 天心屬老臣

讀書食報猶膚語親顯名揚乃至情兩字 褒如週甲待
一經炳與列星行謚因補定九成確官比生封分外榮聞
道中州諸學者瓣香分藝篆播縈

迎春山遠蔚蘿芳通德門高奕葉光一紙黃麻 詔溫藹
兩行風木淚悽傷文成畢竟行先立 主聖能令臣也良
家乘 國恩並千古七言紀實永無忘

題汪蕉雪中丞筵頭小照

草軟如毳波縐若縠王孫徜徉碕岸之曲
中丞赤棒威行畿甸脫幘休沐人不可見

題林午亭比部小照

凡鉛鍛煉守家火心蔓及夷禱寸田手種梅花三百本苦吟瘦損小逋仙

織月風林索笑時檢書看劍意雄奇爽鳩官臧廣平賦鐵石何能姸娜爲

荅同年馮實菴給諫二首

不踟東華土五年重來朋舊意惓然相看不鄙龕官樣共醉還眠措大氊都下夕郎成老宿渭川修竹足嬋娟實菴有種竹圖妬君位未過黃散籍甚詩名海內傳

豈有桃投猥賁瑤清詩細寫憐麻牢片言足拜故人惠實菴

有勸余早退之言阿堵誰添名士毫實菴所繪小照極肖臺閣文章多制

誥江湖門逕半蓬蒿都亭槐雨瀟瀟夜送我晨拏通路舸
天津贈方葆岩齏使

赤棒中丞出典齏場丁歡舞估師歌人來析木津邊聚話
到蓬山頂上多臨別索詩且開篋已酣促飲敢辭酖渡頭
楊柳蓼蓼綠送我扁舟是孟婆

青滄道中

水禽格磔傍橋飛柳外人家露半扉磬折河流溼夜雨蔚
藍天影淡斜暉忽忽韋杜攜孥住渺渺青滄鼓柁歸六月
征程官萬里飽看一路黍苗肥

德州

黃河跡久堙

州東南有黃河崖

溝通漕

去聲

斯利銜尾行萬艘粳稻

東吳至衛流與汶流就軌如在器醜渠使北走昉自神禹
意地雄扼燕齊樓櫓足形勢不數唐宏農關洛爲股臂我
行六月中艤楫午暑熾恰值二流漲駛疾箭不啻黍苗雨
後芄楊柳波面翠不聞桔槔聲可知少機事

灣灣謠

前灣順風後灣逆灣灣疊似帆幅摺後灣急雨前灣晴夕
陽掛在柳梢缺長蘆鹽船兩櫓飛載得河南賤麥歸逢村
買餅麪如雪三錢可療終朝饑不似三峽險不比五溪深
南挾清汶北會潞千里之內桑麻陰我年二十始經此三
十年來一彈指前船倒銜後船尾灣灣酷似磨旋蟻

盧湘艤州判招飲於虎邱羅浮別墅盛蘋洲司馬蔣

立崖刺史彭守約孝廉藹堂明府俱在

山塘雨後屐痕輕來趁羅浮小閣成久別鄉園疑夢寐乍

聞絃索最分明

有雜伶善彈琵琶

征衫猶漬崑崙雨

往與湘艇同在福節相嘉

勇公幕中從事於南寧太平之間

轟飲如觀河朔兵客醉欲歸風滿樹樽

前通德淚淒清

簫鼓比鄰短簿祠過牆翠羽躡高枝碧金雞馬滇南曲

久任

共向勅勒牛羊塞北詞

立崖會

眼底二彭顛已白君家七

椀癖成癡我來未到中秋節月可中亭妙解頤

次日復會於盛蘋洲咸豐樓上

城郭精藍半夕暉市聲浩浩梵聲微樓將塔勢崢嶸出酒

與波光瀲灩飛船重風斜頻礙柳菱香水蒲欲平磯聽殘

暮雨吳孃曲且逐游人緩緩歸

虎邱寺僧卓亭前年度嶺游羅浮其還倩余書海湧
朝瞰四字將以顏其新構之閣今余覲 闕還蘇
訪卓亭於山中造其閣明敞幽潔眺矚無際余之
額適與景合惜筆拙不足觀耳

山林在闌闌闌在山林但見松桂影不聞猿鶴吟上人
架幽閣益在山之陰遠可眺鳥目淡翠如橫簾近欲攬吳
苑霸氣餘森沈草樹濕若薺簫鼓閱古今扶桑初旭出銅
鉦浴遙潄漸漸上簾牖鐘磬驚栖禽指月月在指斯理費
絀尋朝瞰湧滄海乃照海湧岑是山卽是海了了見佛心
我無蘇公帶四字書嵌欽卓也裏度嶺懸之重兼金試與

遊人解任渠悟淺深

別吳門諸親舊

我官於朝十四年其間一拜先人墓

乾隆四十五年扈駕南巡至蘇曾

一省

卻因扈從去忽忽雖有親朋不遑顧後從南詔奔喪

歸萬里含酸飽風露躬親畚揭披荆榛寔安經營取安固
親朋遠近憐我貧會葬殷勤爭致賻墓前磨泐白石碑隙
處栽補青楓樹菟裘未築松菊荒幕府

嘉勇福公相

催登八閩

路踰年輾轉到邕管交人鞠脆敝關附我時猶是吏部郎
遠荷黃麻丹筆註粵東山海所錯盤六條責任豈輕付
頻年惴惴履春冰上考謬膺轉慚懼仲春趨闕涉江河

行在朝

天瞻鹵簿松陰轉

殿晝清嚴

日色

天

容目親覩歸持雞酒酌先塋手撫松楸淚如雨親朋見者
各潸然策我功名莫遲暮家家瓢榼邀醉飽人人縑楮索
詩句此情寧謂非古歡恨不長畱僅小住瀕行送我葑溪
濱烟柳絲絲淡於霧但期祝我早歸來相看不改綈袍故

贈周蓮塘翰林

關隴迢迢奉使還玉堂清秘校書便祇今風木兩行淚半

灑吳天半楚天

蓮塘自幼隨父幕遊湖北寄籍江夏以此發解今舉父棺歸葬吳江雖未歸籍而其

意可知矣

江夏黃童豈過譽家貧剩有五車書爲愛尊羹夢千里不
辭決捨武昌魚

瀟瀟秋雨滿吳闔老眼看君鬢未蒼回憶別來十年事猶

膏轉轂電流光

史才詩筆兩崢嶸
茅拔茹連吉彙征
羸我藥籠借光采
門生門下又門生

乍喜逢君又別君
蒹葭鳧雁晚紛紛
離人有淚不肯洒
相對吳山一片雲

周蓮塘既送余於郡中復令其子自吳江拏舟迓余
薄暮遇於夾浦橋南詢其年十九矣神采秀徹而
瘦特甚以葛紗並解佩刀贈之

飯山無補杜陵瘦
糠覈難消王萬肥
但得撐腸五千卷
縱然不飽也無饑

江城雨霽飲秋虹
搖蕩扁舟出葦叢
怪底吳人操楚語
長生

武昌初至吳不
能作吳語也
可能臺上賦雄風

暑風未歇葛衣便
刀有州形夢呂虔
記我贈貽珍重意
君家風月號三千

望鶯脰湖平波臺

二十年前曾過此
買絲欲繡元真子
風蒲露葦足清秋
畫眉橋外天粘水
竭來仕宦溯奔湍
自笑鮎魚上竹竿
桃花流水年年有
輸與漁郎把釣看
今朝日出浪頭惡
湖心一點黑雲駁
平臺咫尺似瀛壺
斜風不許轉帆腳
悵然賦詩告元真
我今不歸非逡巡
買田儻得傍西塞
便與先生來結鄰

嘉興訪閔峙庭先生

破窗新賃屋赤腳應門僮七十餘年事遽遽一夢中

似僧還似道碧眼照牕櫺贈我無多物觀音般若經

每日清晨起焚香祝 聖明客至更無酒得魚便放生

杭城晤秦小峴次日邀飲於湖樓

時以杭嘉湖道
兼署按察使事

世無蘇子瞻誰識秦淮海獻賦 行在所聲名動時宰書

脫十吏腕占授不停待青蟲吐秋絲食粥鬚毛改與我兩

畸窮煦濡慰寒餒哦詩三道梁往事風燈在

乾隆壬寅余
與小峴居

鄧木蘭至三道梁旅店小峴誦山谷詩聲甚壯余作七言古詩贈之繡衣淞東西凜凜服獬

廡腰間懸兩龜治劇庖丁解手障江海潮心矜雀鼠辜遠

近十一州春澤渙溟澥西湖好風月不用一錢買飲我湖

上樓晚雨亘虹彩竹風含颼颼桂蘂抱蓓蕾溟濛烟際鐘

約畧櫓欵乃都無弦與匏
蔬筍配脯醢我醉語或狂
輒復醒而悔欲乞小軒詩
七字珠百琲

至西湖寓董氏樓

天遣西湖洗我眸芙蓉菡萏
不勝秋六橋烟月原無價
三竺雲泉儻可求筍脆栗肥
差饜腹稻涼雨足好憑樓
追思二十年前事雞犬妻孥
共一舟

乾隆己丑三月與內子孥兩僮婢遊西湖半月而返

南行江步苦無船

因江頭無船暫住湖上候之

喜與湖山晤有緣潑我

鬢鬚雲似墨問僧年紀竹如椽
有時獨掉扁舟往一笑還
驚宿鷺眠盡拓踈窗看星漢
西峯缺處塔燈圓

西湖口占簡城中司道諸公

蠶已成絲稻未登紅蓮採罷采紅菱
一更湖面明於晝應

是游人施塔燈

西湖三百六十寺日日尋僧也一年笑我此來似嘗鼎不
辭風雨訪逋仙

南山杲日北山雲上寺鳴鐘下寺聞沙渚暝時風似雨鷺
鷗飛處隻還羣

湖山冠蓋兩崢嶸喜見諸公政業成雨後奔泉沙石汰泉
清還欲讓官清

卻從湖上望城中無限樓臺氣鬱蔥天與諸公報豐歲秋
來無雹更無蟲

迎潮伐鼓我猶能小住聊爲行腳僧試上南山高處望隔
江烟起是西興

自西湖過萬松嶺至江口

繞堤荷氣撲襟香滿塢松風洒面涼嶺路自緣城上下泉
聲解與磴低昂豐碑尚紀表忠觀廢苑空呼御教場便挂
輕帆婀娜去胸中十萬翠篔簹

汪舍人

人憲

追送余於江口詩以謝之

海上銀濤喚不來城中冠蓋到江回六和塔上一鈴語但
道風顛舟莫開

感君蹋雨遶湖尋共醉孤山小閣陰今夜乘潮渡羅刹江
深那似別情深

回首長松舞翠岡淹遲只爲戀秋光西湖三百六十寺寺
寺鐘聲倚夕陽

富陽

舵樓風起雨侵篷帆去聲勢乘潮一霎中城郭青山看不及

但憑孤塔認西東

桐廬

山如暖翠圖中活磯白桐江漲後吞三尺釣絲風裏數
聲樵斧雨昏昏土音漸覺睦杭異鄉味惟知茶筍尊安得
此邦爲縣尹閒看漁網掛城門

嚴州

蘭溪水南來歙江乃東注雙塔鎖峻嶒樓櫓險而固家家
有漆林厥利侷粟布太平無催科負販四方騫方臘本晉
林因官局徵科遂於畊桑外饒得衣食具至竟其民淳不
酷迫遂爲亂

數犯誅捕郡門俯江流齒齒石可數松香噴青嵐灘響激
白霧惟有弄棹兒不解岸上住

江山船戶俱建德人不與岸民通嫁娶

蘭溪

蘭溪之水碧於油溪上女兒解棹謳南風伴郎下羅剎北
風送客到龍游

谷溪分派是蘭溪一片青瑤到郭西郭外人家工喚客三
層樓下落帆低

龍游

亭埠驛前浪簇花盈溪淼淼抱城斜灘喧水碓春新穀人
語徒杠枕舊沙夾路有松殊偃蹇夕陽無嶺不烟霞忽然
川暝四山響疑是龍公行雨車

衢州

醯茄脫粟忿成讎盛氣還來此覓舟

南宋胡絃見考亭於武夷山中考亭食以

醯茄脫粟絃忿去至衢州覓舟復不甚爲太守所禮愈不能平與李沐俱附韓侂胄遂構慶元之禍歎息慶

元六君子堂堂聽讀赴衢州

太學周端朝等六人上封事辨趙忠定之冤寧宗初令聽

讀衢州中道迫還詔付廷尉

水清沙淨蓼花香露重烟寒橘子黃曉日三衢好風色峭

帆左轉是江郎

右至常山左至江山

自常山曉行至玉山

穩坐篔簹半睡醒楚天無際越天青片帆辭闕四千里

一路嗟秋長短亭日照玉山行朗朗水趨信上霧冥冥主

人逆旅殷勤問頗怪先生鬢髮星

余昔年自旗還吳取道於此

睡起過上饒

玉水無風船自流
篙師擊鼓榜師謳
山形萬疊趨甌越
灘勢千盤到信州
矮几短床宜晝夢
濃杉修竹洗昏眸
沙喧知是楮溪口
一片秋光點白鷗

弋陽戲效東坡先生江干高居堅閣扃體

舸過河口午鼓鼓浪壯
弋陽障傍檣蒲擲
六幅隩屈曲江漾
五兩瀧舂縱菉竹
夏玉密翳堞雄虹
吐絳橫亘梁落日
濯足逼鷺浴曠望
高唱嘖長岡

餘干

豫章在九州分割吳楚半
彭蠡奠陽鳥洲渚浩無岸
吞吐滙衆流廬阜作几案
方諸楚洞庭形勢殆莫判
修旰袁顛

鄙奔騰互穿貫益以上饒水別自餘千灌瀕洞五百里光
景變昏旦湖口鎖其脣大孤小於彈譬諸人身胃水穀此
融換積氣爲雲霞人物亦殷粲堂堂十四州光芒斗牛煥
山川本無語位置象星漢出納俱有門夫豈空汗湯掛帆
截宮亭按圖再三嘆大澤孕明珠深藪挺靈榦甲第數百
年赫奕南州冠一口吸西江老麗何足難

題陳研齋觀察亡姬絳雲小像

莫教憔悴艷姬姜虹起花飛半渺茫安得無心如木石讀
君悽語不神傷

研齋有悼姬詩

無限閒愁惹二毛從來好物不堅牢真娘墓畔三生石添

箇新墳種小桃

母夢桃花而生

樂性堂集卷十二

終